

KONFERANSA ZA DAN ŠKOLE 2012.

Eto, finija je i današnji dan. Ume nas je snig, iako je bilo lipo bez skule, ali fala Bogu finili smo sotin.

Na Lidranu je naša dramska družina prizentala igrokaz „Na recepciji“ autora Dinka Sule, a adatala ga je naša meštrovica Mirjana Stanić. Igrokaz pripovida o našin fureštima koji su arivali bokun prin sezone na naš najlipji škoj.

Jemali smo mi i Pričigin, di su nan se prizentale Magdalena Sinovčić i Klara Elezović sa svojin pričama „Novi život se rađa“ i „Ne da mi se“.

Ne smimo zaudobit ni 14. godin manifestacije našega Marka Marulića koje ga smo ove godine proslavili u Nečujmu. Pivali smo himnu skule, odglumili smo čakulu na našem škoju, a bokun smo i zabalali naše stare šoltanske plesove.

Vrime je da bokun guštamo u našin supertalentima.

Čigovi osmih voli, otpivat će nan Nera

Cina krpa, oli ti ga Price Tag otpivat će Rose

Julija će nan otpivat Rolling in The Deep

Kakovi je kraljevski krevet u Californiji otpivat će nan Luce

Svi vole balat pa tako i Paulina i Magdalena koje će otpivat Ja sam za ples

Svitnjake vidimo po noći u poju, a o njima će nan Pijer otpivat Fireflies

Gianna nan piva o nađenoj jubavi We Found Love

Sad je red na našen žiriju u sastavu meštrovica Ivane, Mirjane i Maje da odluče ko je bi najboji i ko je naš pobidnik ili pobidnica. Dok one odlučidu, poslušat ćemo igrokaz „Na putu do škole“ koji je prizentala meštrovica Senija sa svojon dramsko-recitatorskom grupom.

Još ćemo bokun naše supertalente držat na vatrici i poslušat Hot N Cold u izvedbi Julije.

Molim prisidnicu Ivanu da nan reče ko je osvoji prva tri mista i ko je supertalent naše skule.

Eto, nadam se da ste guštali u našin delicijama i vidimo se dogodine.